

藏經書院版

卅
續藏經

第 60 冊

中國撰述

大小乘釋律部

新文豐出版公司
印行

佛尼牟迦釋師本無南



卍續藏經

第六十冊目錄

新文豐出版公司影印卍續藏經會編印

中國撰述 大小乘釋律部

梵網經菩薩戒本疏 六卷	唐法藏撰	0001
梵網經菩薩戒本疏 三卷	新羅義寂述	0133
梵網經菩薩戒本述記 四卷	唐睦莊撰	0207
梵網經菩薩戒本疏 五卷但現存卷二與卷四	唐知周撰	0303
菩薩戒本宗要 一卷	新羅大賢撰	0357
梵網經古迹記 四卷釋經上下	新羅大賢集	0367
梵網經菩薩戒疏 四卷現存上卷	唐法銑撰	0476
梵網經菩薩戒注 三卷	宋慧因註	0501
梵網經玄義 一卷	明道智昶述	0597
梵網經合註 七卷釋經上下	明道智昶述	0619
梵網經菩薩戒略疏 八卷附半月誦菩薩戒儀式註	明弘贊述	0773

梵網經菩薩戒本疏第一 盡教生成

魏國西寺沙門 法藏 撰

原夫法身虛應。淡有岸以甄形。妙智潛通。極無邊而照象。至真明理。卽事而能理。旋超視聽之外。冥權會事。卽理而能事。迥架筌蹄之表。故得蓮華藏界。懸日月以臨照。菩提樹王開甘露而濟之。千華千百億盧舍那爲本身。十重四十八輕釋迦文爲末化。不可說法啓心地於毛端。不思議光舉身化於色頂。於是四十二位大士之所同修。八萬威儀聖賢以之齊致。況乃恒沙戒品。圓三聚而統收。塵數嚴科。具六位而該攝。旣如因陀羅網。同而不同。似薩婆若海。異而非異。等摩尼之雨寶。濟洽黎元。譬瓔珞以嚴身。功成妙覺。是故五位菩薩。莫不賴此因圓三世。如來無不由此果滿。旣爲道場之直路。亦是種覺之良規。大哉難得而言者也。然則梵約當體離染。爲名網。就喻彰功能。立號經。則貫穿縫綴。體用同詮。盧舍那則遍照果圓。說則扣機宣唱。菩薩標因異果。顯能持之人。十重等簡法異人。

顯所持之法。重開二五輕分六八具防止。故稱爲戒文。無二軸。故云一卷。故言梵網經。盧舍那佛說菩薩十重四十八輕戒一卷。

將釋此經略作十門。一教起所因。二諸藏所攝。三攝教分齊。四顯所爲機。五能詮教體。六所詮宗趣。七釋經題目。八教起本末九部類傳譯。十隨文解釋。

初教起所因者。何故辨此菩薩戒耶。略由十因。謂法應爾。故示本行。故攝大機。故授法命。故勝法被。故令成行。故得諸位。故滅重障。故顯眞性。故得勝果。故初法應爾。故者。謂此菩薩三聚淨戒。旣爲道場直路。種種覺圓。因是故一切諸佛出興于世。利樂衆生。皆依古法。法爾初時。結於菩薩波羅提木叉。爲宗本之要。如大王路法。爾常規故。須說也是。故下云各坐菩提樹。誦我本師戒。又云是盧舍那誦我亦如是。誦解云。旣佛本師戒。復但云誦不言說者。明則本法非新制也。又云三世諸佛已說今說。當說故知同說也。二示本行者。三世諸佛皆悉往。

昔同行此戒成最正覺是故成道先示此要令諸菩薩之所修學下文云一切諸佛之本源行菩薩道之根本又云一切菩薩已學今學當學解云若無此戒法無一菩薩得成佛道三攝大機者謂如來出世若不顯此菩薩毗尼諸有情初發大菩提心者而未能知何等應作何等不應作而進行無依是故要當制立菩薩學處令知進修智論十三云譬如無足欲行無翅欲飛無船求渡是不可得若無戒欲求好果亦復如是若人棄捨此戒雖居山苦行食菓服藥與禽獸無異四授法命者謂諸衆生若無此戒法命不立與非情及畜生等無有異瓔珞經下卷云佛子若過去未來現在一切衆生不受菩薩戒者不名有情識者畜生無異不名人當離三寶海非菩薩非男非女等五殊勝益者謂以最上菩薩戒需及衆生必當令彼成正覺瓔珞經云又復法師能於一切國土中教化一人出家受菩薩戒者是法師其福勝造八萬四千塔況復二人三人乃至百千福果不可稱量六成諸

行者謂一切菩薩無邊大行莫不皆以淨戒爲本智論十三云譬如大地一切萬物有形之類皆依地而住戒亦如是戒爲一切善法住處又華嚴經云譬如造宮室起基令堅固施戒亦如是菩薩衆行本此經下云一切菩薩已學今學當學七成諸位者謂由具足菩薩戒故信行得成方乃得入十住等位瓔珞云初發心出家欲紹菩薩位者當先受正法戒戒者是一切行功德藏根本正向佛果道問位以智成因何說戒答戒具三聚攝善戒中既具大智理亦無違下文中十發趣十長養等皆因此成又問以何得知此菩薩戒多是住前菩薩所行戒耶答瓔珞經下卷云我今在此樹下爲十四億人說住前信想菩薩初受戒法佛子是信想菩薩於十千劫行十戒法當入十住心此之謂也八滅重障者重障有二謂惑與業今既具防三業律儀戒中惡無不止惑業種子之所除滅故瓔珞下卷云受十無盡戒已其受者過度四魔越三界苦從生至生不失此戒常隨行人乃至成佛九顯

眞性者謂由具此菩薩淨戒遂令障滅行成性離究竟下云佛性常住戒法流通也十得勝果者謂此淨戒因位究竟必獲如來圓明勝果故華嚴經云戒是無上菩提本應當具足持淨戒此經下云微塵菩薩衆由是成正覺此之謂也

第二諸藏所攝者此有四重初約二藏有二謂大小二乘各有菩薩藏聲聞藏於此四中唯大乘內菩薩藏攝或通大乘聲聞藏攝以大中聲聞悉許成佛於此戒法亦受持故亦通收小中菩薩以彼三十四心成佛等事離此實戒更無餘故或亦通彼聲聞藏以七衆所持別解脫戒皆是菩薩律儀攝故是故彼法亦在此中二約三藏亦一一唯是大乘毗奈耶藏以具證顯調伏行故二或通餘二以戒具三聚該於三學成因五位必具餘故三約十藏亦一一唯戒藏二或通餘以三聚中攝諸行故四約十二分教亦有二一是緣起經攝二亦通餘如理應知

第三攝教分齊者聖教塵沙統略爲二一是化教

二是制教釋此二別略作四門一約法異且化教者謂如來出世普爲一切說諸因果理事等法制教者謂舉過顯非立法制非理違犯結示罪名辨其持犯輕重篇聚二約機異謂化教普爲通內外衆莫問佛法內人及佛教外人通對而說制教唯對佛自內衆私秘制說三約益異謂化教但令離諸性惡起信等行制教令其雙離遮性以護識嫌威儀可軌以生物信光顯正法自行化人故四約主異謂化教通於五種人說如智論云一佛二菩薩三弟子四神仙五變化制教唯佛自說以制戒輕重餘無能故由此四異是故二教成差別也於此二中制教所攝然制通大小仍是大收第四顯所被機有四種一約種姓二約遮難三約發心四約現在位初中有二先約權教五種姓中定姓二乘及無種姓非此所爲以彼於此非其器故菩薩種姓正是所爲其不定性亦兼攝如瑜伽等說二約實教五種種姓俱此所爲以許佛性皆悉有以於此身定入寂故名定性二乘非謂寂後

而不趣向於大菩提如法華楞伽實性論等說又爲謗大乘人是一闢提因依無量時故說無性非謂究竟無清淨性如寶性及佛性論說又依佛性論自斷說無佛性爲不了教餘如前說是故一切衆生皆是所爲耳二約遮難者亦二一雖欲發心若具七遮現身非器二要須深心懺悔除滅遮難好相相應發心純直方堪爲器三約發心者亦二一雖內有種姓若未能發大菩提心現在前時亦未堪爲菩薩戒器二要須發心直趣正行不有邪求名利等過方堪爲器是此所爲四約現在位者亦二一終二始終者如三賢已上法雲已還終位菩薩雖亦受持菩薩淨戒然經生所受不名新得具性戒故非此正爲始者從初發意十信已還於此戒品有受有隨有持有犯故是正爲以本業經中十信初心受此十戒其入位已去但增修爲異故也

第五能詮教體者略作十門一能詮門謂唯以名句文爲體以能詮表所詮故二歸實門謂唯以音

聲爲體以名等依聲假立無別體故經云以音聲爲佛事故三具二門謂聲及名等要具此二方成詮表不相離故十地論云說者以此二事說聽者以此二事聞四俱非門謂聲名卽空俱泯言卽無言無言之言無寄無住經云如來常住不說一字上四門中前三通小乘具四唯大乘是故四句合爲一事有無俱離可知五遍通門謂香光等一切諸法悉爲教體無不皆有詮理益物故經中香光飯等而作佛事六詮旨門謂能詮所詮合爲其性以不相離故論云契經體性略有二種一文二義文是所依義是能依七唯心門謂名等聲等能詮所詮無不皆是說聽心識更互爲緣之所顯現離此心識無別性故經云我說識所緣唯識所現故八歸眞門謂名等識等莫不悉皆唯是眞如以諸虛相本自盡故眞如實體性自顯故經云一切法卽如等也九無礙門謂眞之相相不礙存卽無言之言同法界卽相之眞眞無不顯卽言之無言言未嘗說旣言無言而無二則說無說而俱存無

礙。礙融以爲教體。十雙派門。謂理事無礙性相俱融。則形奪兩亡。語默雙泯。非言非不言。非教非不教。非真非不真。一切皆離。不能辨之也。是謂大乘無礙教體也。

第六所詮宗趣者。有二。先釋宗。後顯趣。問宗之與趣。何別。答語之所表曰。宗宗之所歸曰趣。又釋宗是言下所尊。趣卽標其意。致宗中亦二。先總後別。總者以菩薩三聚淨戒爲宗。以是文中正所詮顯所尊所崇。唯此行故。別中有五一約受隨二約止作三約理事四約造修五約該收。初者創起大誓要期三聚建志成就。納法在心。故名爲受。受興於前。許心後起。順本所受。令戒光潔。故名爲隨。又受是總發。萬行從生。隨是別修。順成本誓要具。此二資成。正行故以爲宗。二止作者。謂止離諸惡。微過不沾。作修萬善。衆德圓修要具。此二使潔行成。故爲宗也。三理事者。謂事防三業。便惡止善。行以理御。心令惑滅。智立智論云。菩薩亦持理性戒。故又前離業障。令福圓。後除惑障。成慧滿。此則離二

障成二嚴。方爲究竟。故以爲宗。四造修者。有四。一法二受三相四行。謂初是所受。戒法二正受相應。三辨其戒相。四對緣持犯。所詮離衆然四門統攝。故爲宗也。五該收者。謂諸菩薩波羅蜜行。莫不具足。三聚所謂發三聚心。修三種行。成三迴向。菩薩萬行。莫過於此。故以爲宗。第二趣者。意也。致也。謂持此三戒。增長三學。成就三賢。十聖等位。究竟令得三德。三身無礙。佛果是意趣也。謂一律儀離過顯斷德法身。二攝善修萬行。善以成智德報身。三以攝衆生戒成恩德化身。故也。宗趣竟也。

第七釋題目者。有二。先辨一部都名。後釋當品別目。初中亦二。先梵網者。所詮義也。經者能詮教也。義中梵西國正音云。梵覺摩。傳譯存略。故但云梵。此翻爲極淨。以淨中之極。故准此經上下文。梵網之義。略有四種。一約行體用。謂梵者當體爲目。離染爲義。網者就喻爲名。勝能爲義。此中梵有一義。謂明五位行體平等。圓淨光潔。網有二義。一差別義。二泐義。初喻信等五位相別。後喻五位泐漉。

衆生從因至果究竟解脫此二及梵總有三義謂體相用綱中差別是相此卽依體起用以梵成綱故云梵綱則持業釋也又亦法喻雙舉爲名也二約義者此舉梵王之綱喻所詮之義俱從喻稱故云梵綱何者上卷經云時佛觀諸大梵王網羅幢因爲說無量世界猶如網孔各各不同別異無量佛教門亦復如是解云以諸梵王持此幢網供佛聽法佛因見彼網孔差別交絡無邊參而不雜遂以喻彼諸衆生類迷悟已性造善惡業苦樂昇沉依正交雜而其分齊別別不同故云世界猶如網孔此卽梵之綱依主釋亦是有財釋以俱是喻故問此中梵綱與華嚴中因陀羅網何別答彼是帝釋網此是梵王網彼網在殿此網在幢喻意亦別彼取寶珠成網互相影現辨重重無盡此取網孔差別不同義故爲異也三約教者梵辨教是淨網顯教有能故華嚴云張大教網且生死海渡天人龍置涅槃岸此之謂也又上云猶如網孔等佛教門亦如是等也四約戒者梵有二種一約位在家

所持不名梵行出家五衆方名梵行二約實聲聞小戒不防意惡不破諸見不名眞梵諸菩薩等所持三聚具防三業破見入理方名實梵此如華嚴梵行品說綱有三義一喻菩薩戒相塵沙微細差別交雜出沒屈曲難知如網孔也二喻此律儀戒功能遮防有情令不作惡如網籠羅也三喻此戒攝善救生二種功能撈渡自他俱出離故是故此中亦梵亦網持業釋也問何故不唯存此釋而通上三耶答此是一部通名非唯說戒故須通辨也經者謂以聖言貫穿攝持所應說義及所化衆生故云經也二別名中有三義一舍那佛者舉教主也說心地法門品者是一品通名也菩薩戒本者品內別目也梵本經中皆名毗盧舍那此云光明遍照然有二義一內以智光照眞法界此約自受用義二外以身光照應大機此約他受用義何故經首別標此名爲簡餘經是釋迦化身所說又梵網字下標此名者別餘品也梵網一部大本之中唯此品等是舍那說餘品應是釋迦說故說者圓

音應機演茲妙理故云說也菩薩者備如常解心者則是菩薩所起信等五十心也地者卽是信等諸位遍名地也十地論中地前總名信行地故以俱有生成荷戴通名地也無非妙軌云法通智遊履爲門類別不同稱品今於品內別釋如此菩薩戒本故別標舉謂防非止惡爲戒標略異廣爲本也

第八明教本末者有二先明此戒後顯餘類初此戒來處者此三世諸佛本戒法界法爾非新所制舍那菩薩修行此戒位滿成佛於蓮華臺藏世界之中爲欲利樂諸衆生故還自誦出傳授化身令各就機於閻浮提爲諸衆生方便誦顯是故得有如斯戒本若論具本什公相傳云西域有十萬頌六十一品具翻應成三百卷未至此土故不具也二餘類戒者如梁朝攝論戒學中引毗奈耶瞿沙毗佛略經說菩薩戒有十萬種差別如茲大本未沾此域又上代諸德相傳云眞諦三藏將菩薩律藏擬來此土於南海上船船便欲沒省去餘物仍

●開經後

猶不起唯去律本船方得進眞諦歎曰菩薩戒律漢土無緣深可悲矣又曇無讖三藏於西涼洲有沙門法進等求識受菩薩戒并請翻戒本識曰此國人等性多狡狴又無剛節豈有堪爲菩薩道器遂不與授進等苦請不獲遂於佛像前立誓邀期苦節求戒七日纔滿夢見彌勒親與授戒并授戒本並皆誦得後覺已見識識觀其相異乃喟然歎曰漢土亦有人矣卽與譯出戒本一卷與進夢誦文義扶同今別行地持戒本首安歸命偈者是也又聞西國諸小乘寺以賓頭盧爲上座諸大乘寺以文殊師利爲上座令衆同持菩薩戒羯磨設戒皆作菩薩法事律藏常誦不絕然聲聞五律四部東傳此土流行其來久矣其於菩薩律藏迥不東流曇無讖言於斯已驗致使古來諸德或有發心受戒於持犯闡爾無所聞悲歎良深不能已已藏雖有微心冀茲勝行每慨其斥闕志願西求既不果遂情莫能已後備尋藏經摺據遺闕集菩薩毗尼藏二十卷遂見有菩薩戒本自古諸賢未廣解

釋今敢竭愚誠聊爲述讀庶同業者粗識持犯耳
第九明傳譯緣起者此經於大秦姚興弘始三年
有西域三藏法師鳩摩羅什此云童壽以持菩薩
戒故偏誦此一心地法門品以此品略明菩薩戒
相是故印土持菩薩戒者無不皆誦于時沙門慧
融道祥等八百餘人請羅什受菩薩戒遂於逍遙
園或云於長安草堂寺中共學士翻譯經論五十
餘部唯此梵網經最後什自誦出而共譯之慧融
等從筆受亦同誦持仍別錄此下卷之中偈頌已
後所說戒相獨爲一卷名作梵網經盧舍那佛說
菩薩十重四十八輕戒一卷卷首別標當時受戒
羯磨等事仍云此羯磨出梵網經律藏品內盧舍
那佛爲妙海王及王千子受菩薩戒法其八百餘
人誦此戒本也

第十隨文解釋者於此文中分爲三分初十一行
半偈是標源歎戒分二從爾時下對緣正說分三
從我今在此樹下結說勸持分又釋初是戒起所
從分二對緣正說分三結說勸學初分中分二初

有五偈明標源顯戒後六偈半歎戒勸持又釋前
五戒所從勝後是所流戒勝又前是傳戒人勝後
是所傳戒勝前中有四初一頌明舍那眞身起千
化佛二次一頌一句明千化佛復各化爲百億釋
迦三一頌二句明化身就舍那聽受戒法四一頌
一句明化身就機傳通本戒

我今盧舍那 方坐蓮華臺 周匝千華上

復現千釋迦

初一頌之中上二句明本源實身下二句明所現
千佛此中盧舍那等三類佛有人釋云千華臺上
盧舍那佛是自受用身千華上佛是他受用身百
億釋迦爲變化身此釋恐不應理以華臺上佛亦
是隨他受用身故今釋此佛內自實成及應機化
境諸聖教中總有五說一約諸部小乘於此大千
百億閻浮中唯此閻浮釋迦是實報成佛餘州皆
是化往本不論舍那佛二若依入大乘論等說摩
醯首羅天上有實報成佛以一大千世界爲所
統境化作百億釋迦一時成佛三若依此經蓮華

臺藏世界之中坐華臺上實身成佛名盧舍那其千華上千釋迦則是千摩醯首羅天上各有一釋迦此千釋迦一一各化作百億釋迦故有千百億釋迦於千百億國中菩提樹下一時成佛准此言之則一實身成佛時以千三千世界爲主化境合有千箇百億其千釋迦是實報千百億釋迦是化身四依攝論等受用身有二種一自受用是實身成佛稱法界成身土相稱依正無礙唯佛獨住更無菩薩二隨他受用身爲地上菩薩於淨土中現身說法爲地前機現化身佛所主化境又廣於前智論云數此三千大千世界如恒沙爲一世界種數此世界種恒沙復至爲一世界海數此海復至十方恒沙爲一佛世界是釋迦佛所化境界五依華嚴經無成無不成故盧舍那一切處皆實身成佛又以盧舍那則是釋迦不分報化二位之別但說十身以顯無盡是故所主化境無邊無盡且如一類須彌樓山世界之數則盡十方滿虚空遍法界又一類樹形世界亦同前遍法界其側住世界

府仰世界側世界衆生形等無量形類一一形類各各本類普遍法界然互不相礙又此雜類並皆攝在蓮華藏世界海中是故華藏亦說無盡又以華藏界一一塵中現一切世界如因陀羅網如是重重無盡出過思議之表此等並是盧舍那常轉法輪處也今此文中還依如上第三義說上二句中初句顯其本身後句明其源土初中以是舍那自說故云我今然通辨我義略有六種一執我謂分別俱生在於凡位二慢我謂但俱生在有學位三習氣我謂二我餘習在無學位四隨世流布我謂諸佛等隨世假稱五自在我謂八自在等如來後得智爲性六眞我謂眞如常樂我淨等以眞如爲性此中稱我通後三種隨義應知盧舍那義如前已釋次句言方坐蓮華臺者方有二義一將欲義謂方將等二正住義謂方住等今依後義正在華上故云方坐也蓮華臺者是十八圓滿中依止圓滿諸論二釋通有三義一謂約事二就理三據無礙和約事者謂如來所感大覺蓮華王爲所依

止然通辨蓮華總有四類智論云一人中蓮華十葉已上二天上蓮華百葉已上三菩薩蓮華千葉已上四義准佛蓮華無限量故華嚴中大蓮華座不言葉數但云一一華葉皆遍法界二就理者如來智身依於眞理義等蓮華故以表示亦有四義梁攝論中一如世蓮華在泥不汙譬法界眞如在世不爲世法所汙二如蓮華性自開發譬眞如自性開悟衆生若證則自性開發三如蓮華爲群蜂所探譬眞如爲衆聖所用四如蓮華有四德一香二淨三柔軟四可愛譬眞如四德謂常樂我淨三理事無礙者謂佛果圓融理事混通依正無礙相卽自在思之可見下二句中初句明佛所住處謂於千華之上或云千蓮也下句所現佛此千還是受用身攝有人釋云若約相顯爲論盧舍那身爲十地後等覺位菩薩現此千釋迦爲初地已上菩薩現此亦無違

一華百億國 一國一釋迦 各坐菩提樹
一時成佛道 如是千百億

第二頌一句明此千佛復現百億釋迦於中先四句釋一華所現後一句類結餘華前中初句舉一華主百億國國者是四天下中南州國也是故卽一三千大千世界有百億四天下等故云百億國於一一南洲菩提樹下各有一釋迦同時成佛故云各坐等也類結者如一華既有百億國餘九百九十九華亦各主百億故類結云如是總爲千箇百億也

盧舍那本身 千百億釋迦 各接微塵衆
俱來至我所 聽我誦佛戒 甘露門則開

第三一頌二句明化佛就報領受戒法於中初句標舍那本身是化佛所出之處故須標也次句舉化身數次句明宰持大衆具眷屬相次句顯主伴俱來至我舍那所次句正明領受戒法次句明說戒利益謂此妙戒諸說中最同於甘露味之中上於此創演故曰門開又釋甘露有三義一當食充飢同攝善內備二當飲除渴同攝生濟之三當藥病療同律儀斷惡故以爲喻又釋甘露是仙藥服

者長生得此戒命盡未來際故也

是時千百億 還至本道場 各坐菩提樹

誦我本師戒 十重四十八

第四一頌一句明化身就機傳通本戒於中初三

句各還本位後二句誦傳本戒謂此戒法諸佛所

師故云本師戒也十重等出戒相輕重數也上來

標源顯戒亦是戒所從來竟文

自下第二歎戒勸持中有二初有三行一句歎益

勸受後三行一句舉法勸信

戒如明日月 亦如瓔珞珠 微塵菩薩衆

由是成正覺 是盧舍那誦 我亦如是誦

汝新學菩薩 頂戴受持戒 受持是戒已

轉授諸衆生 諦聽我正誦 佛法中戒藏

波羅提木叉

初中有六初二句辨戒德圓滿於中初能破無明

大闇出生死長夜顯無住涅槃故云如日月也二

能莊嚴行者令諸佛護念人天樂觀故如瓔珞珠

也又釋初是慧嚴後是福嚴又釋律儀戒以能破

諸黑惡故如日也攝衆生戒以大悲清涼爲相故

如月也攝善法戒以能攝修具諸勝善法而自佩

故如瓔珞珠也二次二句明戒用深廣謂微塵菩

薩是多人同行故勝也由此成正覺能成大果故

勝也亦則前句是廣後句深也三次二句明大人

誦持故勝謂初句報佛後句化佛四次二句舉益

勸學成自利行五次二句教令轉授成利他行六

次三句誠聽所誦以此戒中含攝蘊積備具衆德

故云藏也又爲簡定道二戒故言波羅提木叉戒

梵云波羅提此言別若具應云毗木叉此云解脫

調持此戒行於諸犯境皆別別解脫故名也又可

當於生死而得解脫故也

大衆心諦信 汝是當成佛 我是已成佛

當作如是信 戒品已具足 一切有心者

皆應攝佛戒 衆生受佛戒 卽入諸佛位

位同大覺已 眞是諸佛子 大衆皆恭敬

至心聽我誦

第二舉法勸信中分三初五句明信法成益於中

初一句總勸生信二次二句出所信境又是教生信方便謂信已身有佛性法故卽是定當來成佛之義三次二句辨信益謂由信自有自性住佛性信佛是至得果性謂起此信卽是發入理菩提心此故此心卽是得戒故無垢稱經云發菩提心卽是出家是卽具足成比丘性此之謂也二有六句勸衆普受於中二初二句總勸普受卽是下文但解法師語盡受得戒故云一切有心等又可凡諸有心皆有佛性有佛性故堪爲道器故云攝佛戒也又前是當成之佛據佛性體也此明有心之者皆攝佛戒是佛性用也二次四句釋攝戒利益謂入菩薩三聚戒中卽是佛本因之位故名佛子下諸戒首皆云若佛子者是也三後二句以有此益故勸衆聽誦上來總是第一標源歎戒分訖也爾時釋迦牟尼佛初坐菩提樹下成無上覺初結菩薩波羅提木叉孝順父母師僧三寶孝順至道之法孝名爲戒亦名制止卽口放無量光明是時百萬億大衆諸菩薩十八梵六欲天子十六大國王合掌至

心聽佛誦一切佛大乘戒

自下第二大段正說中分三初明結集者序當時事二告諸菩薩下明對機正誦三從我已說下結勸受持○初中四一序成佛時處二序所結戒相三序口光表說四序衆集聽受初中爾時者是此化身從報佛所受旨迴還至此之時故云爾時也釋迦此云能是姓也牟尼此云寂是名也菩提樹者在摩伽陀國於此樹下有金剛座賢劫千佛皆於此座成正覺此樹下得菩提故名菩提樹創坐得佛故云初坐等也二序所結戒中有二初辨相二會名前中以是本戒非是待犯然後方制故最初成佛卽結此戒不同聲聞戒故云初結菩薩波羅提木叉也孝者謂於上位起厚至心念恩崇敬樂慕供養順者捨離已見順尊教命於誰孝順略出三境一父母生育恩二師僧訓導恩三三寶救護恩然父母有二位一現生父母二過去父母謂一切衆生悉皆曾爲所生父母今由持戒於父母竭誠敬養令修善根發菩提心今世後世離苦

得樂又由發菩提心持菩薩戒救一切衆生悉令成佛是故二位父母皆爲孝順又由具持菩薩淨戒當得道力救護一切諸衆生故於過現父母亦爲孝順又供養孝順師僧三寶下文具顯又以如說脩行爲報其恩故爲孝順是至道法者謂至極之道莫先此法又以此道能至於果故云至道此卽道能至也謂作了因至涅槃果又作生因至菩提果二會名者謂行此孝行卽是順教無違名爲持戒故云孝名戒戒謂制御三業止滅諸惡故云戒亦名制止也三序佛口光者如來將說戒法先於金口放大光明驚覺令知當從此口吐戒法光照入其心故現此相令衆集也四序衆集聽於中先集衆二辨敬聽前有四衆一菩薩二色天三欲天四人王初一是同生衆後三是異生衆二辨敬聽者合掌身儀不慢至心住念不散也告諸菩薩言我今半月半月自誦諸佛法戒汝等一切發心菩薩亦誦乃至十發趣十長養十金剛十地諸菩薩亦誦是故戒光從口出有緣非無因故光光

非青黃赤白黑非色非心非有非無非因果法諸佛之本原行菩薩道之根本是大衆諸佛子之根本是故大衆諸佛子應受持應讀誦善學

第二對機正誦中二先歎戒要勝後正誦戒相前中二初明戒法深勝二從佛子諦聽下辨戒機緣廣前中二初舉法辨勝後是故諸佛子應受下正勸脩學前中二初約人顯勝二是故戒下約法辨勝前中二初約佛自誦顯勝人誦故明戒勝也二約五位菩薩衆誦明多人誦故明戒勝也以信行不成位故但云發心也以十住是三賢之初入位之始故云發趣也十行增脩善根故云長養十迴向是世間脩終堅固不壞故云金剛十地可知是故戒光從口出者是前從初發心至十地滿三無數劫常誦持故致後誦時口中每出說戒之光如智論中有三藏比丘以多生說法口出香類同此也又釋以此戒法破無明闇從用名光又釋從佛口光中出戒光故從緣爲名故云光有緣非無因者今此誦戒口出戒光非無因緣以多劫積集因